

Broj: 02-14-2679-1/19

Velika Kladuša, 06.11.2019. godine

Na osnovu člana 43. Statuta Općine Velika Kladuša („Službeni glasnik Općine Velika Kladuša“, broj: 12/11) i člana 8. Pravilnika o vrstama, kriterijima i načinu raspodjele novčanih sredstava iz Granta za razvoj poljoprivrede iz Budžeta Općine Velika Kladuša za 2019. godinu, broj: 02-14-2679/19 od 05.11.2019. godine, Općinski načelnik Općine Velika Kladuša raspisuje:

**JAVNI POZIV
za ostvarivanje prava na sufinansiranje kapitalnih ulaganja
u poljoprivrednoj proizvodnji u 2019. godini**

Pozivaju se pravna lica, obrtnici i fizička lica (u daljem tekstu: kandidati) sa prostora općine Velika Kladuša koji poljoprivrednu proizvodnju ostvaruju ili planiraju ostvarivati na području općine Velika Kladuša da apliciraju na Javni poziv za ostvarivanje prava na sufinansiranje kapitalnih ulaganja u poljoprivrednoj proizvodnji u 2019. godini. Novčana sredstva u iznosu od 50.000,00 KM su obezbijedena u Grantu za razvoj poljoprivrede u Budžetu Općine Velika Kladuša za 2019. godine.

Opći kriteriji za odabir kandidata su slijedeći:

- da je sjedište pravnih lica i obrtnika, odnosno prebivalište fizičkih lica kandidata na području općine Velika Kladuša,
- da kandidat posjeduje zemljište za realizaciju kapitalnog ulaganja ovisno o vrsti ulaganja bilo da je vlasnik istog ili posjeduje Ugovor o zakupu,
- da je obezbijedeno finansijsko učešće od strane kandidata u definisanim okvirima po pojedinim vrstama proizvodnje,
- da nema dospjelih a neizmirenih obaveza prema Općini Velika Kladuša.

Posebni kriteriji za odabir kandidata sa popisom potrebne dokumentacije su definisani Pravilnikom o sufinansiranju kapitalnih ulaganja u poljoprivrednoj proizvodnji iz Granta za razvoj poljoprivrede iz Budžeta Općine Velika Kladuša u 2019. godini, broj: 02-14-2679/19 od 05.11.2019. godine, kako slijede:

Ulaganje u plasteničku proizvodnju - podizanje novih plastenika površine 100 m²

Zainteresiranim poljoprivrednim proizvođačima za podizanje novih plastenika površine 100 m² sa sistemom za navodnjavanje i cisternom kapaciteta 500 litara uključujući 300 presadnica (paprika i/ili paradajz), ukupne cijene 2.810,00 KM odobravaju se grant sredstva u iznosu od 1.967,00 KM (40% sufinansira Međunarodni fond za poljoprivredni razvoj i 30% sufinansira Općina Velika Kladuša) uz uslov da obezbijede:

- raspoloživo zemljište na kojem bi se postavio plastenik i
- finansijsko učešće u iznosu od 843,00 KM.

Nakon uplate finansijskog učešća od strane odabranog kandidata dobavljaču platenika i dostavljanja kopije uplatnice, izvršit će se uplata grant sredstava odabranom kandidatu u skladu sa Odlukom o odobrenim sredstvima, koja mora proslijediti dobavljaču platenika. Međunarodni fond za razvoj poljoprivrede će 40% učešća doznačiti dobavljaču platenika nakon gore navedenih uplata.

Uz prijavu potrebno priložiti:

- original ili ovjerenu kopiju uvjerenja o prebivalištu,
- original ili ovjerenu kopiju posjedovnog lista/ZK izvatka na ime kandidata/člana uže porodice ili Ugovor o zakupu zemljišta
- original ovjerenu izjavu kandidata o finansijskom učešću u iznosu 843,00 KM.

Ulaganje u podizanje novih zasada koštičavog, jabučastog i jezgrastog voća i kestena

Zainteresiranim poljoprivrednim proizvođačima za podizanje novih zasada koštičavog, jabučastog i jezgrastog voća i kestena odobravaju se grant sredstva u iznosu do 50% od iznosa plaćenog za kupovinu sadnog materijala onima koji su već podigli zasade od jeseni 2018. godine i u toku 2019. godine i to:

- površina zasada iznosi minimalno 1 dunum do maksimalno 20 dunuma,
- broj sadnica po jednom dunumu iznosi kako slijedi: min 120 sadnica jabuka, dunja, krušaka, min. 50 sadnica šljiva, lijeske, trešnje, višnje, min. 10 sadnica oraha sijanca, min. 15 oraha kalemljenog i min. 10 kestena,
- sadnice nabavljene od registrovanog proizvođača sadnog materijala ili preduzeća/zadruga registrovanih za promet sadnim materijalom.

Uz prijavu potrebno priložiti:

- original ili ovjerenu kopiju uvjerenja o prebivalištu ili rješenja o registraciji,
- original ili ovjerenu kopiju posjedovnog lista/ZK izvatka na ime/naziv kandidata ili Ugovor o zakupu zemljišta za površinu na kojoj je podignut zasad,
- original ili ovjerenu kopiju fiskalnog računa od registrovanog proizvođača sadnog materijala ili preduzeća/zadruga registrovanih za promet sadnim materijalom koji datira iz perioda jesen 2018. godina do jeseni 2019. godine,
- original ili ovjerenu kopiju deklaracije o kvalitetu sadnog materijala izdatu od proizvođača sadnog materijala,
- original ili ovjerenu kopiju pedološke analize tla.

Ulaganje u osnovna sredstva registriranih zadruga i poljoprivrednih obrta i pravnih lica u toku 2019. godine

Zainteresiranim kandidatima za ulaganje u osnovna sredstva registriranih zadruga i poljoprivrednih obrta i pravnih lica u 2019. godini odobravaju se grant sredstva u iznosu maksimalno do 70% od iznosa plaćenog za nabavku osnovnih sredstava u tekućoj godini.

Uz prijavu potrebno priložiti:

- original ili ovjerenu kopiju rješenja o registraciji,
- original ili ovjerenu kopiju računa kojim se dokumentuje nabavka osnovnih sredstava,
- original ili ovjerenu kopiju dokaza o izvršenoj uplati po ispostavljenom računu.

Da bi ostvarili pravo na gore navedenu novčanu podršku, kandidati podnose zahtjev Službi za poduzetništvo, lokalni razvoj i implementaciju projekata Općine Velika Kladuša.

Zahtjev za ostvarivanje prava na sufinansiranje kapitalnih ulaganja u poljoprivrednoj proizvodnji za 2019. godinu može se preuzeti sa službene internet stranice Općine Velika Kladuša, www.velikakladusa.gov.ba ili u prostorijama Općine, Služba za privredu, kancelarija broj 15, Ulica Hamdije Pozderca br. 3, 77230 Velika Kladuša svakim radnim danom u vremenu od 07:30-16:00 sati.

Ispunjeni zahtjev sa svom zahtijevanom dokumentacijom se mora dostaviti u zatvorenoj koverti preporučenom poštom ili lično tokom radnih dana (ponedjeljak – petak), u periodu od 07:30 do 16:00 sati, na sljedeću adresu: **Općina Velika Kladuša, Pisarnica, Ul. Hamdije Pozderca 3, 77230 Velika Kladuša sa naznakom: „Za Javni poziv za ostvarivanje prava na sufinansiranje kapitalnih ulaganja u poljoprivrednoj proizvodnji u 2019. godini“.**

Provjera i utvrđivanje eventualnih obaveza, odnosno dugovanja prema Općini Velika Kladuša će se vršiti po službenoj dužnosti.


Nakon utvrđivanja ispunjavanja uslova za ostvarivanje prava za ostvarivanje prava na sufinansiranje kapitalnih ulaganja u poljoprivrednoj proizvodnji u 2019. godini, odlukom Općinskog načelnika će se odobriti isplata novčane podrške u visini utvrđenoj nakon obrade pristiglih zahtjeva.

Javni poziv ostaje otvoren do 29.11.2019. godine.

Za sve dodatne informacije možete se obratiti lično u kancelariju broj 15 ili putem telefona 037 775 315, kontakt osobe Nermina Dizdarević i Rasim Karajić.

Dostavljeno:

1. Oglasna ploča
2. službena internet stranica Općine
3. JP RTV Velika Kladuša
4. u spis
5. a/a



OPĆINSKI NAČELNIK
Fikret Abdić, dipl. ing.